

ESCUELA INFANTIL PAQUITA ANSA HAUR ESKOLA 2023/2024 IKASTURTEA

INFORMAZIO OROKORRA

Urtarrilaren 25eko 9/2023 Ebazpenean aurreikusitako prozedura aplikatuko zaie 2022-2023 ikasturtean ikastetxean matrikulatuta ez dauden haurrei.

Plaza eska dezakete: 2021ean, 2022an edo 2023an jaiotako haurren gurasoek edo legezko tutoreek, jaiotza-data 2023ko maiatzaren 11a baino geroagokoa ez bada (2023-2024 ikasturtea hasi baino 16 aste lehenago).

Zentroan 16 aste betetakoan hasiko dira.

EGUTEGIA ETA ORDUTEGIA

Ikasturtea 2023ko abuztuaren 30ean hasi eta 2024ko uztailaren 19an amaitzea aurreikusten da. Haur Eskolako zuzendaritzak familiei jakinaraziko die haur bakoitzaren hasiera-egun zehatza, egokitze-aldiaren arabera.

Ordutegia: astelehenetik ostiralera, 07:30etik 16:00etara.

ESKAERAK

Eskaerak emateko epea: 2023ko martxoaren 6tik 17ra.

Aurkeztu beharreko dokumentazioa:

a) Gurasoen edo legezko tutoreen NANaren, pasaportearen, bizileku-txartelaren edo nortasun-agiri baliokidearen **fotokopia.**

b) Familiaren osaera frogatzeko agiriak.

- Familia-liburuaren **fotokopia** (gurasoak eta seme-alabak) edo, halakorik ezean, antzeko agiri ofizial osoa.
- Haurren jaiotze-data onarpen-epea bukatu ondoren aurreikutsita dagoen kasuetan, aurkeztu beharko da erditze-data aurreikusten duen txosten medikuaren **fotokopia**. Onarpena jaioteguna frogatu ondoren baieztatuko da. Horretarako 2023ko maiatzaren 18a baino lehenago familia-liburuaren **fotokopia** aurkeztu beharko dute.
- Adopzio- edo harrera-prozesuan dauden haurren kasuan, dagokion egiaztagiriaren **fotokopia** erantsiko da.
- Banantzea edo dibortzioa gertatuz gero, hori legez egiaztatzen duen epai judizialaren **fotokopia** edo agiria aurkeztu beharko da.
- Familia-unitateko kideren batek % 33ko edo gehiagoko desgaitasun fisiko, psikiko edo sentzoriala badu, hori egiaztatzen duen ziurtagiriaren **fotokopia**.
- Familia ugariaren tituluaren **fotokopia**.
- Guraso bakarreko familia-tituluaren **fotokopia**.

c) Gurasoen edo legezko tutoreen lan-egoera eta/edo egoera akademikoa justifikatzen duten agiriak.

- Lanean ari bazara:
 - Gizarte Segurantzak edo dagokion mutualitateak emandako agiriaren **fotokopia**, 2023ko otsailaren 16tik 2023ko martxoaren 17ra bitartean alta emanda zinela egiaztatzen duena.
 - Norberaren kontura lan egiten duten pertsonak, **gainera**, egiaztatu beharko dute 2023ko otsailaren 16tik 2023ko martxoaren 17ra bitartean EJJn alta emanda zeudela (EJJn ordainduta egotearen ziurtagiriaren fotokopia).
- Langabezian egonez gero, Enplegu Eskariaren Txartel eguneratuaren **fotokopia**.
- Eskabidea aurkezten den unean ikasketak egiten ari bada, matrikularen, egutegiaren eta ordutegiaren egiaztagiria.
- 3 urtetik beherako semea edo alaba zaintzeko eszedentzian egonez gero, lan-egoera aktibotzat jotzeko, eszedentziaren jakinarazpenaren **fotokopia** aurkeztu beharko du, eta idatziz zehaztu beharko du lanean hasteko aurreikusitako data ez dela 2023ko urriaren 14a baino geroagokoa izango.
- Familia-unitateko kideren bat Gizarte Segurantzako pentsioduna bada eta ezintasun iraunkorreko pentsioa aitortuta badu, ezintasun absolutukoa edo baliaezintasun handikoa, hori egiaztatzen duen dokumentazioaren **fotokopia**.

d) Errenta-mailak justifikatzeko dokumentazioa.

- Familia-unitatea osatzen duten pertsona guztien 2021eko PFEZaren aitortzearen **fotokopia**. Hori egitera behartuta ez badaude, dagokion dokumentazio ofizialaren **fotokopia** edo, azken batean, errenten edo diru-sarreraren zinpeko aitortpena aurkeztu beharko dute, eta/edo Zizur Nagusiko udalak 2021eko familia-sarrerak zehazteko beharrezkotzat jotzen dituen agiriak.

e) Gurasoen edo legezko tutoreen helbidea edo lantokia Zizur Nagusian dagoela egiaztatzen duen dokumentazioa.

- Bizikidetzatza-agiria, non jasoko baita haurra eta gutxienez gurasoetako edo legezko tutoreetako bat Zizur Nagusian erroldatuta daudela 2023ko urtarilaren 1a baino lehen edo lanagatik edo bestelako arrazoiengatik Zizur Nagusira etxetik aldatzen diren egunekoa, haurrarekin bizi den gurasoak justifikatuta.
2023ko urtarilaren 1erako jaio ez diren haurren kasuan, egiaztatu beharko da guraso edo legezko tutoreetako bat gutxienez Zizur Nagusian erroldatuta dagoela data horren aurretik.
Etxebizitzaz aldatzea aurreikusten den kasuetan, ikasturtea hasi aurretik etxebizitza berria entregatu izanaren egiaztagiraren **fitokopia** baloratuko da. Kasu horretan, jakinarazpenerako, egungo helbidea adierazi behar da, eta baremaziorako, etxebizitza berriarena.
- Zaintza eta kustodia duten gurasoen edo legezko tutoreen lantokia egiaztatzen duen dokumentazioaren **fitokopia**.

f) Sarbide zuzenerako baldintza bereziei buruzko dokumentazioa.

- Desgaitasun-kalifikazioaren ziurtagiriaren **fitokopia** edo haurraren mendekotasun handiko egoera (III. gradua) aitortu izanaren egiaztagiria eta/edo txosten profesionala, hezkuntza-premia espezifikoak ekar ditzaketen ezaugarriak deskribatzen dituen.

g) Beste edozein inguruabar berezi baloratzeko justifikazio-dokumentazioaren fitokopia. Egoera hori egiaztatzen duen txosten medikoa, psikologikoa, soziala edo zerbitzu espezializatu ofizialen txostena aurkeztu beharko da.

OHARRAK ETA DATUAK EGIAZTATZEA

- Alegatzen den egoera egiaztatzen duen dokumentazioa aurkezten ez bada, zero puntuazioa aplikatuko da onarpen-baremoari dagokion atalean.
- Eskabidean edo erantsitako dokumentazioan jasotako datuen zehaztugabetasuna edo faltsutasuna egiaztatzeak dagokion puntuazioa aldatzea ekarriko du, eta, hala badagokio, emandako plaza baliogabetzea.
- Hautaketa Batzordeak edozein unetan eskatu ahal izango du interesdunek aurkeztutako dokumentazioaren akats formalak zuzentzeko.

BAREMOA

A) Familia unitatea, gehieneko puntuazio metagarria: 15 puntu.

- 1) **Modalitateak:**
 - **15 PUNTU:** Paqita Ansa Haur Eskolan bi seme-alaba edo gehiagorentzako tokia eskatzea, deialdi berean (2022-2023 ikasturtean Eskola horretan matrikulatutako eta plazaren erreserba egin duten haurrak barne).
 - **5 PUNTU:** Guraso bakarreko familiak edo guraso bakarreko egoeran.
 - **5 PUNTU:** Familia ugariak.
 - **4 PUNTU:** Familia unitateko edozein kide % 33ko urritasun fisikoa, psikikoa edo sentzoriala onartua izatea.
 - 6 urtetik beherako bi seme-alaba edo gehiago dituzten familiak: **PUNTU 1 SEME-ALABA BAKOITZEKO**. 2017ko martxoaren 18tik 2023ko martxoaren 17ra arte jaiotako pertsonak bakarrik zenbatuko dira. Eskatutako plaza berarentzat bada, jaio ez den alaba edo semea ere zenbatuko da.
- 2) **Zehaztapenak:**
 - "Deialdi berean bi anai-arrebaren edo gehiagoren plaza-eskaera" kontzeptuan esleitutako puntuazioa galdu egingo da eskatzaileari egotz dakizkiokeen arrazoiengatik guzti horien matrikula egiten ez bada.
 - Behar bezala egiaztatutako familia-harrerako egoeran dauden haurrek anai-arreben puntuazioa lortu ahal izango dute ikastetxean, baldin eta familia hartzaileak eskatutako ikastetxean seme-alabaren bat eskolatuta badu.

B) Gurasoen edo legezko tutoreen lan-egoera edo egoera akademikoa, gehieneko puntuazioa: 20 puntu.

- 1) **Familia orokorrak:**
 - Behar bezala justifikatutako lehentasunezko dedikazioa eskatzen duten ikasketa arautuak egiten edo lanean ari den guraso edo legezko tutore bakoitzeko, edo ezintasun iraunkor absolutuko edo baliaezintasun handiko egoera aitortuan dagoen bakoitzeko: 10 puntu.
 - Lana bilatzen ari den legezko guraso edo tutore bakoitzeko: 5 puntu.
- 2) **Guraso bakarreko familiak, guraso bakarreko egoeran dauden familiak edo zaintza eta kustodia eskusiboa duen gurasoa edo legezko tutorea:**
 - Behar bezala justifikatutako lehentasunezko dedikazioa eskatzen duten ikasketa arautuak egiten edo lanean ari den gurasoa edo legezko tutorea, edo ezintasun iraunkor absolutua edo baliaezintasun handia aitortuta duena: 20 puntu.
 - Lana bilatzeko egoeran dagoen gurasoa edo legezko tutorea: 15 puntu.
- 3) **Lan-egoeraren kontzeptuari buruzko zehaztapenak.**
 - Ez da kontuan hartuko jardunean dagoen lan-egoera, Gizarte Segurantzari edo, hala badagokio, ekonomia-jardueren gaineko zergan alta emanda ez badago.

- Ikasketen balorazioan, ikasketa araututzat hartzen dira titulu akademiko ofizialak lortzera zuzendutakoak: DBH, Batxilergoa, Lanbide Heziketa, unibertsitate-titulazioak, etab.

Halaber, lehentasunezko dedikazioa dagoela ulertuko da interesduna ikasturte osoan matrikulatuta badago, dagokion ikasketa-planaren arabera ikasturte osorako diren kredituen edo orduen % 80 gutxienez.

- Pertsona bat lana bilatzen ari dela ulertuko da, baldin eta aurrez izena emateko unean enplegu-eskatzailerik gisa izena emanda badago.

C) Per capita errenta, gehienez 15 puntu.

1) Tarteak eta puntuazioa:

PER CAPITA ERRENTAREN TARTEAK		
ZENBATEKO HONETATIK	HONETARA	PUNTUAZIOA
15.000,00	eurotik gora	1,50
12.400,01	15.000,00	3,00
10.700,01	12.400,00	4,50
9.300,01	10.700,00	6,00
7.980,01	9.300,00	7,50
6.650,01	7.980,00	9,00
5.500,01	6.650,00	10,50
4.500,01	5.500,00	12,00
3.350,01	4.500,00	13,50
3.350,00	edo gutxiago	15,00

2) Familia-unitatearen kontzeptua Errentaren ondorioetarako:

- Legez banandu gabeko ezkontideek edo aplikatu beharreko araudiaren arabera bikote egonkor batek osatutakoa, eta, halakorik balego, seme-alaba adingabeek osatutakoa, salbu eta, gurasoen adostasunarekin, gurasoengandik independente bizi direnek eta kuradoretzapean dauden adin nagusiko seme-alabek.
- Legezko banantze kasuetan, edo ezkontza-loturarik edo bikote egonkorrik ez dagoenean, aita edo ama eta batekin edo bestearekin bizi diren seme-alaba guztiek osatutakoa, baldin eta aurreko atalean aipatutako baldintzak betetzen badituzte.
- Tutoretza edo harrera dela-eta subjektu pasiboarekin lotura duten pertsonak seme-alaben parekoak izango dira, legeria zibil aplikagarrian ezarritakoaren arabera. Aurrekoen bestelako egoeretan ere seme-alaben parekoak izango dira ebazpen judizial bidez subjektu pasiboari esleitutako zaintza eta custodia duten pertsonak.
- Inork ezingo du aldi berean bi familia-unitateren parte izan.
- Familia-unitateko kideak zehazteko, 2021eko abenduaren 31n zegoen egoera hartuko da kontuan, familia-unitateko kideren bat urtean zehar hiltzen denean izan ezik. Kasu horretan, familia-unitateko gainerako kideek batera ordaindu ahal izango dituzte zergak, hildakoaren errentak barne. Aukera hori ez da onartuko ezkontideetako bat hiltzen bada eta urtea amaitu aurretik alarguna ezkondu bada. "

3) Zehaztapenak:

- Familia-unitatearen errenta gisa hartuko da honako hauen batura: batetik, PFEZaren aitortpena aurkeztu behar duten familia-unitateko kide konputagarri guztien errenta-aitortpenean agertzen diren likidazio-oinarri guztiak (550. laukitxo) eta, bestetik, PFEZaren ondorioetarako salbuetsitatzat jotzen diren gainerako errenta eskuratuak (529. laukitxo).
- Per capita errenta honela lortuko da: familia-unitatearen errenta zati familia-unitateko kideen kopurua dagokion urteko abenduaren 31n.
- Ondorio praktikoetarako, bada, 2023-2024 ikasturteko onarpen-prozesurako per capita errenta honela lortuko da: familia-unitatearen 2021eko ekitaldiko urteko errentaren zenbatekoa zati familia-unitateko kideen kopurua 2021eko abenduaren 31n (aurkeztutako aitortpenean jasotako kide berberak).

D) Eragin-eremu geografikoa, gehieneko puntuazio metagarria.

- **20 PUNTU:** Haurra eta gurasoak eta/edo legezko tutoreak Zizur Nagusian 2023ko urtarrilaren 1a baino lehen errolatuta egoteagatik.
- **8 PUNTU:** Aita eta/edo ama edo legezko tutoreak Zizur Nagusian lan egiteagatik.
- **5 PUNTU:** Aita eta/edo ama edo legezko tutoreak Zizur Nagusiko Haur Hezkuntzako lehen zikloko ikastetxe batean lan egiteagatik.

E) Beste irizpide batzuk.

Behar pertsonal, familiar edo sozial larriko beste egoera batzuk ere hartu ahal izango ditu kontuan Hautaketa Batzordeak, behar bezala justifikatuta badaude eta aurreko ataletan jaso ez badira. Gehienez ere, 10 puntu emango ditu. Hautapen Batzordeak hartzen ahal ditu kontuan beste behar larri batzuk, pertsonalak, familiakoak edo sozialak, behar bezala frogatuak eta aurreko ataletan bildu gabeak (**10 puntu**, gehienez ere).

F) Puntuazioko berdinketa kasuak ebaztea.

Baremoa aplikatzean berdinketa gertatzen bada adin-talde bakoitzean eskainitako azken plazarako, honako irizpide hauek hurrenez hurren aplikatuz ebartziko da:

- Familia-unitatean atalean puntu gehien lortu dituenak.
- Per capita errentaren atalean puntu gehien lortu dituenak.
- Eraginpeko eremu geografikoaren atalean puntu gehien lortu dituenak.
- Gurasoen edo legezko ordezkarien lan eta gizarte egoerari edo egoera akademikoari buruzko atalean puntu gehien lortu dituenak.
- Beste irizpide batzuen atalean puntu gehien lortu dituenak.
- Jendaurreko zozketa

ZERRENDAK ARGITARATZEA

Behin-behineko zerrendak argitaratzea: 2023ko maiatzaren 9a

Onartutakoen behin-behineko zerrenda eta itxaron zerrenda Zizur Nagusiko udaletxean, "Paquita Ansa Haur Eskola" zentroan, Gizarte Zerbitzuan eta Udalaren webgunean (www.zizurmayer.es) argitaratuko dira.

Erreklamazioak aurkeztea: 2023ko maiatzaren 9tik 12ra

Maiatzaren 12ra arte aurkeztu ahal izango dira erreklamazioak **Zizur Nagusiko Udaletxean (Erreniega parkea, z/g)** edo **Gizarte Zerbitzuan (Emakumearen plaza 2)**, Hautaketa Batzordeari zuzenduta, behin-behineko zerrendetan jasotako puntuazioa berrikusteko eskatzen duten gogoetak alegatuz. Ez da inola ere onartuko eskabideak aurkezteko epean aurkeztu ez den dokumentazio berririk, salbu eta hasieran aurkeztutako dokumentazioaren forma-akatsak zuzentzeko aurkezten bada.

Behin betiko zerrendak argitaratzea: 2023ko maiatzaren 18a

Onartutakoen behin betiko zerrenda eta itxaron zerrenda Zizur Nagusiko udaletxean, "Paquita Ansa Haur Eskola" zentroan, Gizarte Zerbitzuan eta Udalaren webgunean (www.zizurmayer.es) argitaratuko dira.

Ez dira inola ere banan-banan jakinaraziko behin-behineko zerrenden eta behin betiko zerrenden emaitzak.